



Na temelju odredbi člana 112. Zakona o srednjem obrazovanju ("Službene novine Kantona Sarajevo" broj: 23/17,30/19), a u skladu sa članom 21. Pravilnika sa kriterijima za prijem radnika u radni odnos u predškolskim ustanovama, osnovnim i srednjim školama kao javnim ustanovama čiji je osnivač Kanton Sarajevo („Sl.novine KS“, broj:29/21, 31/21), Komisija za utvrđivanje prijedloga za izbor radnika Javne ustanove Srednja škola za okoliš i drveni dizajn Sarajevo, na sastanku održanom dana 23.08.2021. godine, jednoglasno donosi

## **POSLOVNIK**

### **o radu Komisije za utvrđivanje prijedloga za izbor radnika Javne ustanove Srednja škola za okoliš i drveni dizajn Sarajevo**

#### **Član 1.**

##### **(Predmet Poslovnika)**

(1) Ovim Poslovnikom se određuje djelokrug rada, način rada, prava i dužnosti Komisije za utvrđivanje prijedloga za izbor radnika Javne ustanove Srednja škola za okoliš i drveni dizajn Sarajevo, kao i druga pitanja vezana za rad iste.

#### **Član 2.**

##### **(Odgovornost Komisije)**

(1) Komisija za utvrđivanje prijedloga za izbor radnika Javne ustanove Ž Srednja škola za okoliš i drveni dizajn Sarajevo je odgovorna za zakonito provođenje konkursne procedure po odredbama Pravilnika sa kriterijima za prijem radnika u radni odnos u predškolskim ustanovama, osnovnim i srednjim školama kao javnim ustanovama čiji je osnivač Kanton Sarajevo („Sl.novine KS“, broj:29/21, 31/21).

(2) Članovi komisije u svom radu moraju biti nezavisni i nepristrasni, te se pridržavati načela javnosti i zakonitosti.

(3) Komisija je obavezna da najkasnije u roku od 20 dana od dana zatvaranja konkursa provede proceduru po javnom konkursu za prijem radnika u ustanovi, dostavi konačnu rang-listu direktoru i istu objavi na oglasnoj ploči ustanove.

(4) Član Komisije će odmah, a najkasnije dva dana od dana saznanja za razloge izuzeća, u skladu sa članom 20. Pravilnika zatražiti izuzeće u radu Komisije, ukoliko je srodnik nekog od



prijavljenih kandidata u pravoj ili pobočnoj liniji do četvrtog stepena i u tazbinskoj liniji do drugog stepena.

### Član 3.

#### (Konstituisanje Komisije)

(1) Komisija za utvrđivanje prijedloga za izbor radnika Javne ustanove Srednja škola za okoliš i drveni dizajn Sarajevo imenuje predsjednika Komisije i zamjenika predsjednika iste na prvoj konstituirajućoj sjednici Komisije, te donosi Poslovnik o radu iste i Plan rada za tekuću godinu.

### Član 4.

#### (Način rada Komisije)

- (1) Komisija u pravilu radi u punom sastavu, a obavezno radi u punom sastavu u provođenju provjere i intervjua.
- (2) Komisija odlučuje o pitanjima iz svoje nadležnosti većinom glasova članova Komisije.
- (3) Sastanci Komisije se održavaju na poziv predsjednika Komisije, koji vodi sastanke, provjere znanja i intervjue.
- (4) O svom radu Komisija vodi zapisnik, kojeg potpisuju svi članovi komisije, a koji je sastavni dio konkursne dokumentacije.

### Član 5.

#### (Poslovi Komisije)

(1) Komisija za utvrđivanje prijedloga za izbor radnika Javne ustanove Srednja škola za okoliš i drveni dizajn Sarajevo provodi konkursnu proceduru i u skladu sa Pravilnika sa kriterijima za prijem radnika u radni odnos u predškolskim ustanovama, osnovnim i srednjim školama kao javnim ustanovama čiji je osnivač Kanton Sarajevo („Sl.novine KS“, broj:29/21, 31/21), obavlja slijedeće poslove:

- otvara i pregleda sve pristigle prijave i dostavljenu dokumentaciju, utvrđuje njihovu potpunost i blagovremenost, te sastavlja spisak kandidata čije su prijave zaprimljene, spisak kandidata potpisuju svi članovi komisije,
- u skladu sa bodovima utvrđenim u članu 8., 9.,10., 11., 12., 13., i 14. Pravilnika vrši prvo bodovanje kandidata koji ispunjavaju uslove konkursa i utvrđuje bodovnu rang-listu na Obrascu za





- bodovanje kandidata koja je sastavni dio navedenog Pravilnika i koji objavljuje na oglasnoj ploči ustanove;
- ukoliko je broj kandidata sa utvrđene bodovne rang-liste manji od šest, Komisija poziva na provjeru radnih i stručnih sposobnosti sve prijavljene kandidate,
  - u slučaju da je broj kandidata sa utvrđene bodovne rang-liste veći od pet, Komisija poziva na provjeru radnih i stručnih sposobnosti prvih pet kandidata sa utvrđene bodovne rang-liste i sve ostale kandidate koji imaju maksimalno četiri boda manje od prvorangiranog kandidata na bodovnoj rang-listi ,
  - komisija sastavlja pitanja za provjeru radnih i stručnih sposobnosti kandidata, i provodi provjeru radnih i stručnih sposobnosti,
  - odabrana pitanja za provjeru radnih i stručnih sposobnosti moraju biti potpisana od strane svih članova Komisije, te ista pitanja moraju biti postavljena svim kandidatima koji se odazovu provjeri radnih i stručnih sposobnosti za konkretno radno mjesto za koje kandidat konkuriše,
  - ukupan broj bodova koji se, po osnovu radnih i stručnih sposobnosti, daje kandidatu, je aritmetička sredina bodova svih članova Komisije, koji svoje ocjene daju na Obrascu za ocjenu kandidata koji je sastavni dio Pravilnika,
  - Komisija nakon što utvrdi broj bodova iz člana 16.stav (1) Pravilnika, vrši drugo bodovanje na Obrascu za ocjenu kandidata koji je sastavni dio Pravilnika,
  - nakon zbrajanja bodova iz člana 22. i 23. Pravilnika Komisija sačinjava konačnu bodovnu rang-listu na Obrascu koji je sastavni dio Pravilnika i isti zajedno sa završnim Izvještajem o radu Komisije koji sadrži sve materijale proistekle u njenom radu dostavlja direktoru Škole na dalje postupanje ;
  - Komisija je obavezna konačnu bodovnu rang-listu objaviti na oglasnoj ploči ustanove koja mora biti dostupna svim kandidatima koji su se prijavili na javni konkurs,
  - obavlja i druge poslove utvrđene u odredbama Pravilnika sa kriterijima za prijem radnika u radni odnos u predškolskim ustanovama, osnovnim i srednjim školama kao javnim ustanovama čiji je osnivač Kanton Sarajevo („Sl.novine KS“, broj:29/21, 31/21).

## Član 6.

Bosna i Hercegovina  
Federacija Bosne i Hercegovine  
KANTON SARAJEVO  
Srednja škola za okoliš i drveni dizajn



Bosnia and Herzegovina  
Federation of Bosnia and Herzegovina  
CANTON SARAJEVO  
Secondary school of environment and wood  
design

**(Stupanje na snagu Poslovnika)**

(1) Poslovnik o radu Komisije za utvrđivanje prijedloga za izbor radnika Javne ustanove Srednja škola za okoliš i drveni dizajn Sarajevo stupa na snagu danom donošenja.

Broj: 04/04-1435/21  
Sarajevo, 23.08.2021. godine

PREDSJEDNIK KOMISIJE

Hodžić

ZAMJENIK PREDSJEDNIKA KOMISIJE

Manović

ČLAN KOMISIJE

Adilović A.